



ШКОЛЬНИКЛӨН  
БИБЛИОТЕКА



В. Т. ЧИСТАЛЁВ

ВО ГӨГӨР  
КЫТШОВТӨМ



**В. Т. ЧИСТАЛЁВ**

(Тима Вень)

# ВО ГÖГÖР КЫТШОВТÖМ

**Кывбуръяс.**

**Висьтъяс.**

**КОМИ КНИЖНОЙ ИЗДАТЕЛЬСТВО**

**Сыктывкар 1978**

С (коми)  
468

**Чисталев В. Т. (Тима Вень).**  
468 Во гөгөр кытшовтём. Кывбуръяс. Висьтъяс. Коми книжнӧй издательство. Сыктывкар, 1978.

48 лб.

Книгаб пырисны кывбуръяс да висьтъяс Вениамин Тимофеевич Чисталёвлӧн (Тима Вень), кодӧ мукӧдкӧд тшӧтш вӧлӧ коми сӧветскӧй литературалы подув пуктысьбн. Гижӧдъясьб суйӧма коми школалӧн велӧдчан программаясьб, а сӧдз жӧ индӧма гортын асшӧр лыддьӧм выль.

С (коми)

Ч  $\frac{0762-037}{M128(03)-7}$  39-78 м

© Коми книжнӧй издательство, 1978.

# Кывбуръяс

---

\* \* \*

Коді Гөрд му понда олө?  
— Мунам, огө полө!  
Коді думнас война ёрө?  
— Мила дорө!  
Код эз килькув лёк во дырйи,  
Мөдысь локтас йөктігтырйи.  
—  
Сьод удж бертись, муывив пиян!  
— Муыс миян!

1920

## Дорччысьяс

Швачкөны-дорөны  
дорччысьяс...  
Вылісянь сьөкыда  
көрт вылө усьоны  
мөлөтьяс.  
Ыпкөны-пөльтөны  
пушканъяс, —  
тырөма ловныс.  
Өгыр моз доналө  
горнаын көрт,  
Лямалө, пыдзрасьö  
нөш улын — гөрд.  
Би зэрөн сявкъялө  
гөгөрыс кинь,  
Зарниён мичаа  
киссьö.

Кашкёны-мудзёны  
дорччысьяс...  
Дзожгысьё-войталё  
кёрт вылё пёсь.  
— Вачкыштлы!.. —  
горёдлё ёртыслы  
дорччысь.  
— Ёнджыка, вокё! —  
шуыштлө мёдыс.  
— Мед бур лоас гөр!  
Пыді мед муркёдас  
луқыртас мусё!  
Няньён мед тырталас  
войналысь гусё!  
Мед дорччыськөд гёрысь  
ётвылысь олас!  
Мед чарлакөд мөлөт  
өтлаё кыяс!

1921

## Ленин гу дорын

(Поэмаысь юкён)

Гөрд площадь пасьтала йёз.  
Зэв ыджыд кытшыльён  
Гартыштчө-люзьвидзё  
Очередь-бөж,  
Быттьökö кыскысьё  
Сюрс сывья гез.  
Гөрд площадь лөнь —  
Дас сюрс морт виччысьё,  
Сулалё чөв.  
Кытысьё абуось!  
— Быдлаысь,  
Му шар выв пасьтасыс:  
Азия, Африка,  
Европа гөгөрысь,  
Ылысь,  
Мореяс сайысь

Локтöмны —  
Кыссьöны татчö.  
Коді нö тані  
Тіянлы рöдняыс?  
— Сійö тай,  
Код кузя аддзинныд  
Мортъясөн асьтö!  
Коді тай олöмсö  
Му шар выв йöзыслысь  
Мöдарö бергöдіс.

Тадзикөн семья  
Ыджыд ай гу вылö  
Казьтывлö-волö.  
Сідзи жö öні  
Быд лунö-часö  
Волысьлö татчö.  
Но семьяыс налөн  
Му шар выв пасьтаса  
Интер-  
нацио-  
нал!

• • • • •  
«Тринь... тринь... тринь...—  
Брень!»—

Кремль башня йывсянь  
Троньöдіс-кучкаліс  
Кöкъямыс час.  
Зымöбтіс,  
Горöдіс ворсны  
Музыка «Интернационал».  
Чукöстчис  
Сьöлöмас быдөнлы:  
«Отувтчöй, уджалысь  
Быд нация йöз!»

Ырöстіс,  
Бöрддыны кöсийс  
синваён

Морöсын сьöлөм,  
Визлаліс сөнъясöд,  
Чепöсийс чужöмö,—  
Войтыштны эз лысьт:  
Ленинлөн кывъясыс  
Тöдвылö уси,

Сьөлөмсянь юр вемө кайис,  
Син водз эг гудырт,  
Сөдз вежөр пуктіс,—  
Разалі тушаө,  
ёнтіс.

Ньөжйөник,  
Воськолысь воськолө  
Мөдөдчис гу дорлань  
Визувтны йөз.  
Лөнъыштлам...  
— Куйлө тан миян  
Медыджыд ёртным.

1927

## Му вежандыр

(Поэмаысь юкөн)

*Уна морт нэм кежлө на кольө  
казьтывлантор  
Миян олана нэм...*

Куим во чөж  
гымгис-муніс  
ёром война...  
Земля-муыс  
адө пөри,—  
лои шойна.  
Уна морт лов  
сійө нуис  
мыжтөм йөзлысь.  
Уна миллион  
кулі, уси  
поле вылын.  
Уна доймысь,  
китөм-коктөм  
локтіс гортлань...  
Кымын дөва,  
ныв-пи коли  
батытөг бөрдан...

Куим во чөж  
сідзи муніс  
царскöй бойня.  
Уна эмбур  
тшыныйв лэптіс  
йöзлысь чөжөм.  
Уна вир-яй  
сёйис-юис  
буржуй шайка...  
(Будь ті проклят,  
кырныш чукөр,  
му нэм кежлас!)  
Ог төд кытчөдз  
сідзи муніс  
олөм адыс,  
эз кө Октябрь  
лок да дорйы  
сьöd удж йөзөс.  
Со тай чужи,  
петіс-локтіс  
выль морт —  
большевик.  
Локтіс, сувтіс,  
гора шуис:  
«Коді Гөрд му  
понда олө,—  
Мунам,  
огө полө!  
Коді война  
думнас ёрө —  
мила дорө!..»  
«Став му вывсьыс  
пролетарийяс,  
өтувтчалөй!»  
«Сьöd удж бертысь,  
му выв пьян,—  
муыс миян!..»  
Сідзи шуис.  
Көсйис — вөчис!  
Важ мир  
пусь-пась

керис-вөчис, —  
кыз буржуйлысь  
«сювсö лэдзис»...

Важлысь лөпсö  
тылаос моз  
ректис,  
көрт плуг-гөрийөн  
пыдi гөрис —  
көдзис  
көйдыс выль.

Важ властьладор  
олысь енмысь  
дзикөдз чөвтчис.

Сы пыддисö  
лөзунг ләптіс:  
«Коді уджтөт  
олө-вылө,

мед сійö  
оз сөй!»

«Царствуйтас мед  
му шар вылас  
медся ыджыд  
вежаторйыс —  
удж!»

Сідзи уна  
джаггөрөда  
көртөд

Октябрь разис.

Посни нима  
олысь йөзөс  
увтыртөмысь  
бертіс...

Коли дас во,  
олім —

сө во дон!

Водзö овны

выль му вылын

миан сьөлөм

пыр на дон!

Миян öнi  
муыс-мирыс  
вексö  
лоö  
том.

1927

## Поэзия артмöm

«Ог төд, кодi менö чужтлiс,  
Кодi быдтiс, вердiс-удiс,  
Съывны-мойдны йöзö лэдзлiс...  
Гашкö, лөзов чöд тусь пиын  
Быдми меöй вөр туй дорын,  
Да öктiс кудъяс ветлысь-мунысь.  
Гашкö, вөр ты пыдöс ваыс  
Вöли меным потан пыдди,  
Чöж-пöткаыс öввö съывлiс.  
Гашкö, вöли лöня вöрыс...  
Меным висетьяс йöлöгаö  
Тöлысь югөр чукöрталiс».

1923

## Менам кывъясöй

Менам кывъясöй тайö — виртусяс;  
Менам гижöдъяс — менам синваяс;  
Кышyd сьölöма олан дыръясöй.  
Менам ставыс сэн — гижöд-висетьясас.  
Тайö кывъясас — войвыв дзоридзяс,  
Кыла ачымöс сийö шыясьыс:  
Сьölöм дойясöс, мича муслунöс,  
Небыд, нормана сьölöм вөрзьöдöс...  
Сидзи морöсад ставыс чукөрмас,  
Мыйöн пасйыштан, вöлисьт личмунас.

Кывзышт, лыддысьёй, чёскыд  
кёрьяссö:  
Абу прöста сідз найöс лөдöма,  
Сэтчö пуктöма мый меддонаыс.

1922

## Ниа

Джуджыд изъя слуда йылын  
Быдмис ыджыд ниа пу...  
Йылыс кымөр пöвстын, вылын,  
Вужйыс — корсис пыдысь му.  
    Некод эз вöв сыысь вевтыр,  
    Некод водзын кос эз син.  
    Кыза сьлөн — куим сывтыр,  
    Йывсö мортлөн оз судз син!  
Увьяс — быттö кёртысь дөрөм,  
Ылö шевгөдöма сыв.  
Кырсьыс — чорыд сера дөрөм,  
Быттö пасьтасьöма ныв.  
    Вөлі тыдалö зэв ылö  
    Сьлөн ёсьмөм туган йыв,  
    Юрсö кышөдöма ылö,  
    Быд пу вылын вөлі вев<sup>1</sup>.  
Аслыс сылы йывсянь тöдчис:  
Ылі парма, ю-ель визь...  
Шонді петіг, шонді лэччиг  
Йывсьыс югөр эз кус дыр.  
    Пыжөн ветлысь сійöс тöдліс,  
    Төдліс кыйсьысь понъя морт;  
    Урыс сылы уна шедліс,  
    Лыйліс сэтысь сьöла-тар.  
Кырсьяс костысь шонді гожйөн  
Пычкис сьлөн зарни вый:  
Уна-сь сувтліс сійö гажйөн  
Тыла ректысь коми ныв...  
Некод сылысь эз тöд арлыд,—  
Гашкө, во лыд тыртö сюрс...

<sup>1</sup> Вев — фон, декорация.

Туша сьлөн быдён воймём,  
 Ройён тошсялёма — дзор...  
     Сідзи оліс-выліс, быдмис,  
     Уна сулаліс морт нэм.  
     Кышыд сьёлём йөзлы сетліс,  
     Төдны висьтавліс тшөтш мем.  
 Уна төв и гожём воліс,  
 Уна-сь вежліс сійё лыс...  
 Кузя сідзи ниа оліс,  
 Кытчөдз олөмыс эз кус.  
     Өтчыд сы весьт өшйис кымөр, Ёна  
     Ёна чардаліс гым-чард,  
     Шувгис-муніс ьджыд төв ныр...  
     Эз тай ковмы сылы чер.  
 Бөрыс тыри ьджыд зыкөн:  
 Бөрлөн төвкөд пансис тыш.  
 Ёна тышлайтчисны кыкөн —  
 Пуяс вольсасис, кьдз пыш.  
     Төлыс пуяс ёна летіс,  
     Увьяс лайкъялісны дыр;  
     Гырысь вөрсө уна чегис:  
     Бөр пу шөйыс водіс тыр...  
 Ниа өтнас ёна вензис,  
 Вензис, кытчөдз судзсис вын.  
 Медбөрти нө уси вынсьыс:  
 Кыткө пытшсьыс ори сөн.  
     Ниа рутш-ратш шөри чеги,  
     Гора кылө лыйис... шко-ов...  
     Ылі вөр керкаө кыліс,  
     Кьдзи эштис... — петіс лов.

1918

## Веж, гажа лун

*(Челядьлы сьыланкыв)*

«Веж, гажа лун, том тувсов лун!» —  
     Ми гора сьылам сідз:  
 «Ми — быдмысь йөз, ми — подув вөр,  
     Ми — водзө мунысь йөз!»

Ми, гажа войтыр, посни йӧз,  
Бур пуктам асьным сад.  
И быдмас мед, мед лоӧ ён,  
Мед шедӧ сылы ӧд!  
Тэ, муса вӧр, веж лыска вӧр,  
Пыр ёнмы, быдмы, ов!  
И кутам ми тшӧтш быдмыны,  
Тшӧтш овны тӧкӧд нэм.  
И сетам ми, мый вермас юр,  
Ас чужан мулы бур.  
Пыр сӧмын вӧчны колан удж,  
Пыр дорны сылысь шуд!..  
Кор пӧрысьмам, сӧк волам ми  
Тэ улӧ шойччигмоз...  
И казтыштам том олӧм кад,  
Веж, гажа тувсов сад!»

1923

## Рыт-асыв кылӧм

Долыд асылын  
водзджык садьмыны...  
Лӧсьыд лун сьӧмӧс  
зильны уджавны...  
Чӧскыд рытьясын  
лӧня шойччыны.  
Садя вежӧрыд  
олӧ асылын.  
Сӧдза мӧвпалӧ  
юрыд лунъюгыд.  
Ворсӧ нораа  
сьӧлӧм рытьясын.

Асыв уджалӧ мортлӧн вежӧрджык.  
Рытын кывзысьӧ сылӧн сьӧлӧмджык.

1925

# Войвылө

(Плещеев серти)

Тулысын пөткаяс войвылө лэбисны,  
Лунвылысь, саридзысь чукөрөн мунисны...  
Пальма пу сулаліс, туганнас довъяліс,  
Жальпырысь на йылысь аслыс сідз мөвпаліс:  
«Мый бара кыскө сідз найөс войвылас?  
Мыйөн оз кажитчы зарниа лунвылыс?  
Мый понда мунёны татысь быд гожём  
Жугылин оланас, мый вылө гажйөн?..»  
Зэв вылі енэжті бордаяс лэбисны,  
Сьөлөмсьыс долыда найө сідз горзисны:  
«Ылын сэн, войвылас, чужан му миян.  
Сэтчө ми чукөрөн гортаным лэбам!»

1922

## Майбыр Май

Войвыв пышйис  
турөб төлөн  
пöрысь Февраль-пöч;  
бырзис-лөксис,  
нымён лымнас  
лөкысла эз пöд.  
    Сы бөр вөтчис  
    ропкигтырйи  
    Огра Марпа — Март,  
    бөрсьыс туйсö  
    ассыс каттис,  
    мед оз вөтчы морт.  
Ляшкис-муніс  
сьökыд ношйөн  
жугыль Апрель-дядь,  
нуис сьөрсьыс  
пельпом вылас  
төвся лампа, дадь...

Тöлыд коли.  
Олöм вежсьö:  
кывсьö Майбыр Май...

Локтис збоя  
ытва вывтi  
Комсомолзон Май;  
вайис сьöрсьыс  
йöзлы тулыс —  
гож да югыд вой.  
Бöрсьыс локтö  
турун нöбийөн  
Июнь — выль ань шань.  
Тайö тэнад  
лоö пöлыд —  
Комсомолныв Юнь.  
Сыкöд кыкнад  
мусö шонтад —  
воас вотöс, нянь.  
Быдтор лоас,  
сöмын дасьты  
ötув тасьтi-пань.

1926

## Тувсов войясын

Тувсов войясын ставыс кыпавлö,  
Гажа войясын ортсö вöзйысьлö  
мортлөн сьöлöмыс.  
Тувсов войясын ёна овлывла,  
Югыд войяссö этша узылывла,  
дзоньнам ловзыывла...  
Тувсов войясын ставыс кыпалö,  
Югыд сöдз войнас пырыс тыдалö.  
Тувсов войясöй,  
Мыйла бара тi сэтшöм дженьыдöсь?!  
Кызди видзöдлан тшöтшыд вөр вылас,  
Кыа югөрөн öзъян кымöрас —  
Кыптас морöсыд, вөрзяс сьöлöмыд...

1923

# Тувсовъя

Лөсьыд, гажа зэв  
Өні му вылын.  
Долыд сьөлөмлы  
Овны тулысын!..

Сідзи мунан да,  
Сэсся сувтыштлан,  
Гажа ывланас  
Нимкодясьыштан.

Кыдзи бузгöны  
Тувсов шоръясыс,  
Кыдзи сьылöны  
Лэблысь пöткаяс,—  
Пельнад кывзыштан.

Мунан-мунан да,  
Бара сувтыштлан.

Кутшöм видзъясыс  
Нюдза вежödö,  
Кыдзи вөр пуыс  
Синтö гажödö.

Эськö дугдывтөг  
Пыр сідз видзöдан,  
Чöла ланьтöмөн  
Помтөг кывзысян.

Сідзи сулалан,  
Пыді лолалан:  
Кокныд морöслы,  
Кыпыд сьөлөмлы!..

1922

# Пышкай

Пышкай мян керка лөскö  
Вöчö пияныслы поз:  
Коркö кокас идзас кыскö,  
Коркö вайö вомас гөн.

Пышкай көсйö керка вöчны!  
Оз и мудзлы. Уджыс тыр.

Лунтыр ноксьомысь оз дугдыв,  
Ноксигмозыс сьылö пыр.  
Сёрөн, шондi лэччöм бöрын,  
Коркö вöлисьт ланьтлас кай,  
Луннас коньöр ёна мудзис, —  
Лöня олö тувсов вой.

Мöд лун бара, мыйöн шондi  
Муртса петас асывводз,  
Пышкай бара сьывны пондас,  
Чильксö-йöктö: «Чилик-чок».

Долыд сьölöм вылас сьлөн:  
Ас удж помысь кынöм пöт.  
Сийöн гажая и сьылö,  
Кöть и сьökыд сьлөн удж.

1921

## Гожся лунö

Шондi ёна пöжö...  
Нюкыртчöма кор.  
Ытшкём турун косьмö,  
Дзыкöдз ямö шор...  
Гож сайясö челядь  
Сайласьöны пыр,  
Черияс моз гöптын  
Сялькöдчöны дыр...  
Вөр пу сайсянь кымöр  
Кыптö быттö тшын.  
Юпнитчылis чардби...  
Кылö ылын гым.

1922

## Гожом пом

Кисъмөма, гөрдөдө  
вөр дорын пелысь...  
воөма быдсяматор.  
Ыркыдөн лолыштлө  
корсюрө тöлыс,—  
ывлаыс кылө  
ассяма көр...  
Чукөрмө бур йөзлөн  
ывла выв уджъяс:  
эштөма турун,  
воөма нянь.  
Видзөдлан видз вылө —  
зорөдыс кымын!  
Мөдарө, ыб вылө —  
чумали сярвидзө тыр...  
Долыдмө сьөлөмыс  
уджалысь мортлөн,  
личалө морөссыс шог;  
кокниджыкпырысь  
тәрмасьö эштөдны  
өтитор, мөдтор...  
Корсюрө зэрыштлө.  
Мыччысьлө гажаа шонді,  
зарниа югөрнас ворслө...

Мунан кө вөр дорті,  
тшак дукөн өвтыштас нырад.  
Быд пу кост  
чераньлөн өшалө вез,  
бөрсяньыд вөтлысьö,  
быттьөкө гез...

Вижөдө, кельдөдө кызд пу,  
ньөжйөник гылалө —  
шпалгысьö көр,  
чим гөрдөн пөртмасьö,  
тіралө пипу,  
быд лолыштөм төвруысь  
шпаргысьö-вөрө...

Кокньыд да пельк  
сэк кадө овлө  
ветлыны вөрөд.

Зумыда восьлалан  
векныддик лэч туйод,  
лосыда тушатö  
ыркйодлö тölөн.

1922

## Аръявыв

Гудрасьö тай, кымрасьö  
Мича енэжыс.  
Дзебсясьö нин, сайласьö  
Югыд шондыс.  
Лөньюма тай, кушмюма  
Гажа расьясыс.  
Борддзюма тай, борддзюма  
Гөгөр ывлаыс...  
Кольюма тай, тыдалö,  
Шоныд гождюмыд!  
Воюма тай, воюма  
Арся луньясыс:  
Лун-лун зэрласьö,  
Войяс пемыдось.

1921

## Ар

Кодзыд нин... Му эжсö камгюма,  
Корт кодь — дзык кын.  
Улөнник кымөрьяс öшйюма.  
Рудиник пуксьюма лун.  
Йи зэрөн лолалö Вой саридз,  
Коллялö лунвылö гождюм.  
Ю кузя кылалö наридз,—  
Пемдюма, ваыс зэв гажтюм.  
Лэбзюны медбөрья пөткаяс,  
Горзюмныс налөн зэв нор.

Юсыяслөн вылісянь клуксёмныс  
Кылыштö ымісянь тшук.  
На бөрвыв енэжсянь ньöжйöник  
Чöлалö медводдза лым.

1924

## Тöвланьö

Расъяс дзик нин пасьтöм коли,  
киссис кызлөн кор...  
Регыд, регыд мөдас усыны  
еджыд килля кор.  
Вевттыс гөгөр шобдi пызьөн  
видзяс, муяс, вөр.  
Дорас юяс клянча поскөн,  
камгас-кынтас нюр.  
Лысём рака борд кодь лои  
увтас вылын оль,  
Лы-сьём-сюрös сөмын коли.  
Ланьтiс Борган ёль...  
Ылі вөртас вежös кизьөр,  
быттё чышъян сыр.  
Сынöd тöлыс лои чизыр —  
чаткыркерö ныр.  
Гөгыль вежсис кыз пу доддьөн,  
телега оз тюр.  
Челядь петiс лямпа-даддьөн,  
гөгыль оз нин дзурт.  
Мустём лои кучик көмкот,  
посводз улö — брызь!  
Кöмав, пиö, öнi кокад  
тюни вылö лызь!

1925

# Ур кыйигөн

(Тайö жö нима кывбурысь)

Керка дорсянь лэч туй кузя

Мöдам гажа понкöд.

Кокъяс улын ратшкö резюв,<sup>1</sup>

Вольдъя<sup>2</sup> вывтi кыпыд.

Регыд син вымысь и воши

Пуяс пöвстö понйöй,—

Иса туйыд сылы сюри

(Виччысь öнi, урöй!)

Здук-мöд коли. Кутiс кывны

Вөр пасытаыс увтöм.

Öдйö чепöсьи ме мунны

Веськыд туйöд, вомөн.

Вои. Чатöртчöма коз пу вылö:

Зэв сёлöмсьыс увтö.

Урыс некөн оз и тыдав.

«Он-ö увт тэ ройö?»

«Часлы»,— шуа понлы,—

«Эм абу тан, тöдам».

Сэсся чер тышкөн ме клёнги

Судзмөнвийö пуад.

Тыштöм шыыд урлы ёнтiс,

Пучер<sup>3</sup> бердысь петiс,

Шур-шар кайис туган йылас,

Öдва судзö синмыд.

Ворсö-эльтчö, бöжнас легö,—

Увтчöмлы оз эскы.

«Войтöл» сэнi: «ув!» да «ув!..»

Ме тай урöс лыйи — «шку-ув!..»

Пон шы лөнис. Урыд эз ло...

Лысыяс пöвсттi лэччис.

(Пожöм-козийö оз нин кайлы,

Пуысь пуö чеччы).

<sup>1</sup> Резюв — косьмём песни увъяс.

<sup>2</sup> Вольдъя — выльён усьём лым.

<sup>3</sup> Пучер — пулөн стволыс.



Гажа тулыс, шоныд гож  
вөталө.

---

Еджыд көч лым вывті  
тупыльтчө.  
Репасын <sup>1</sup> сьөла-тар  
йөжгыльтчө...

---

Кодарсяньө кылыштө  
пон увтчөм,  
Мөдарсянь нө — кок улын  
лым дзуртөм...

---

Керкаясың быдөн нин  
узьоны.  
Енэж вылысь кодзувьяс  
усьоны.

---

Зарни-эзысь киньясөн  
сявкйоны,  
Ньөжйөникөн, шы ни төв,  
кусоны.

1925

\* \* \*

Кисьтө кельыд югөр  
Эзысь төлысь джын.  
Керка сайө вуджөр  
Усьө, быттө тшын.  
Төлысь улын вөрзьө  
Лөзовъеджыд лым.  
Быд сикаснас ворсө  
Югыд зарни кинь.

1924

---

<sup>1</sup> Репас — дым пцын гуяс, кытчө пырöны сьөла-тар.

# Төвся турөб войö

(Пушкин серти)

Пемыд. Көдзыд. Лымйөн тыртö.

Ывла вылын ыджыд төв.

Лымсö посводзьясö пыртö.

Помся камгö öдзöс пөв.

Оз и лөнълы, төв пыр öддзö:

Керка вылысь нетшкö тьöс;

Лымсö гартö, нуö водзö,

Кисьтис, кылö, чипас пес.

Пукалам ми пöчкөд кыкөн

Паччөр вылын шы ни төв.

Гөгөр ывла тыри зыкөн:

Ена шутьлялö вой төв.

Пöчö печкö... Чöрсыс швыргö.

Ме сэн вöча сюмөд доз.

Керка вылын жбырган шаргö,

Карта сайын шувгö коз.

Пöчöс төвлөн сьылөм шыö

Регыд босьтö вугыр-дзөр,

Коркö, недыр ов мысьт, кылö,

Торскö-усьö кисьыс чöрс...

Сэсся, пöчö лөнъөм бöрын,

Кутас кажитчыны мем:

Быттö кылö сьылөм, бöрдөм,

Быттö кодкö нявзö сэн.

Син оз куньсы. Дыр ме ола.

— Оз нин кольлы тайö вой!

Мем зэв гажтөм... Ме зэв пола...

— Пöчö, шебрöd менö вай!

1921

## Öввö

Пöчö менö видзлывліс,

Потан дорын сьывлывліс:

«Öввö, öввö, öввö».

Пөчө менө ланьтөдө,  
Кыз пу лайкан дзуркөдө:  
«Луйк-лайк. Луйки-лайк».  
Пөчө сьылө нораа,  
Лайкан дзуртө гораа:  
«Дзурк-дзурк. Дзурки-дзурк».  
Зарни пий, узь нин, узь!  
Сьолөмшөрөй, узь нин, узь!  
«Өввө, өввө, өввө».  
Шебрас кокөн чужъяла,  
Ичөт кекөн шыблала.  
«Өввө, өввө, өввө».  
Пөчө бара тубыртас,  
Эшкын улө шебрөдас.  
«Өввө, өввө, өввө».  
Кодыр дутдас сьывны пөч,  
Кута лөвтны ачым тшөтш:  
«Өв, өв-өв, өв».  
Пөчө бара нин сьылө:  
«Вөрын лэбалө сильө.  
Өввө, өввө, өввө».  
Айыд мунис вөравны,  
Сьөла-урөс лыйлыны.  
Өввө, өввө, өввө.  
Зэв өд сийө ачыс зиль,  
Ваяс тэныд уна силь.  
Өввө, өввө, өввө.  
Мамыд мунис турунла.  
Регыд локтас... Эн бөрд, эн!  
Өввө, өввө, өввө.  
Быдман — ыджыд лоан морт,  
Вылө лэбзян пөтка борд!..  
Өввө, өввө, өввө...»

---

Кузя тадзи сьылас пөч,  
Кытчөдз оз ланьт ачыс тшөтш.  
«Өввө, өввө, өввө».  
Ывла-н вой төв шутьлялө,  
Керка-н шоныд оналө.  
«Өввө, өввө, өввө».  
Кага потан довъялө,  
Пөчө сэни вутралө.  
«Өввө, өввө, өввө»,

Тайо гига тiянлы,  
Сьолөмшөр ныв-пиянлы,  
Уна олөм во бөрын  
Муса Коми му вылын.  
Гашкө, коркө сылыштлад,  
Посни чой-вок ланьтөдлад:  
«Өввө, өввө, өввө».  
Тайо сылланкывъясас,  
Небыд, мича шыясас,  
Кылө вөрлөн шувгөмыс,  
Коми йөзлөн олөмыс,  
Важся тильсьом-мырсьөмныс,  
Вылын гажсө перйөмныс.

1920

## «Немас-дөмас»

(Крылов басня серти)

Прокөлөн гыррдзаөдз дукөсыс киссьөма,  
Но сы понда Прокө эз зэв и шогсыы,—  
    (Морт сийө төждысьтөм вөлі).  
Сунис-ем босьтис,  
    дөмсыыны пуксис.  
Дөмастор Прокөлы ки улас  
    нинөм эз сюр.  
«Мыйон жө дөмны?»  
Эз тай дыр миян морт көсйи:  
Весьт кузя вундалис,  
    тшөтшөдіс дукөслысь сосьяс —  
    дөмасыд пырысь-пыр лои.  
Регыдөн гыррдзаыд дзоньмис.  
Бөр лои дзонь и бур дукөс,  
    гөтов, көть пасытав.  
Сөмын нө дженьдаммис неуна  
    дукөслөн сосьяс:  
    килутшыс тыдавын гыррдзаөдз кутис...  
    Мыйысь нө Прокөлы шогыс?!  
Теш аслыс, оз бара маитчы:  
    ветлөдлө, гыррдзавый весьт кузя соска.

Прокөлөн дукөсыс бур йөзлы серам,  
коді оз видзөдлы, сійө и нюмдө.  
Прокө нө шуө: «Ме пө од абу на ййй!  
Важ выйөдз воштыны тайө мем  
абу на дыр  
(оз кө тадз кажитчы).

Важ дорсьыс кузь  
лобны сосьясыд менам!»

Вундаліс пөлаяс, тшөтшөдіс бөждорсө:  
дзоньталіс торъяснас сосьяссө...  
Чунь йывті лоины медбөрти сосьяс!  
Шпынняялө-ветлөдлө —  
Прокөлы долыд.

Көть дукөсыс лои дөрөмысь дженьыд,  
сы пыдди нө  
сосьясыс кузьөсь!

1921

## Тулыс воём

(Серпастор)

Улльов кодъ небыд төв лунвывсянь пөльтө, вайөдө чөскыд көр, лөсьыда чужомад өвтө... Енэжын шондйыс вылі нин ветлө, дзирдалө югыда — синъястө ёрө. Сывны нин вөрзёма лым — мутшкысьо-топалө, кок улын сыв. Гож водзын лөзөдө, сөнікө пөрө. Толаыс ляпкалө, чинө. Гөгөр дзик личалө, прөстмө.

Өдзөсыс тулыслөн паськыда вощьө...

Ывлаыс гораммө, быттёкө выль мыськөм, пелькөдөм керка, гудырыс-няйтыс идрасьом сәсь. Гажа сән, гора и кышд, кокныыда ветлөдлө лолыд. Ывлывиторъяс ылыстчөны кытчөкө ылө... Енэжыс кыштө зөв вылө. Кымөръяс качөны.

Вощьөма вөр пу йыв — мезмөма лымйысь. Гыла-лө-шупкысьө ув вылысь тукта... Лым ваён мысьсьөма-өсь лысьяс: быттёкө долыда асывводз чеччөм, сөстөм зөв чужомаөсь сулалөны пуяс.

Төпкө-виялө вевт вылысь вейтвә... Со, тонө, гож водзө петөма курөг, лажъялө-ветлөдлө ньөжйөник, тшапа. Петуклөн чуксасьом кылө, юръялө йөлаыс, сикт кузя ветлө... Долюдджык кажитчө ракалөн кравзөм.

Ылөдз ывлаын сёрнияс кылөны... Зиль йөзлөн керасьом (тшупсьөм да поткөдчөм), чер шыяс камгөм — тәрмөдлө, удж вылө ыстө. Шко-о-ов, — кылө ва дорысь нөшасьом шы... Керкаясын дугдывтөг швачкөны-кыөны дөра. Шаргысьө дзавъян шы, быдмәсян гымгө...

Со, тонө, детинка керкаысь ывлаө петис (мынөма кагаысь), керкаын тулысын гажтөм. Видзөдліс өтарө, мөдарө... сьлөмсьыс нимкодя, мый вомаc төрис горө-

діс: «Э-э-эй!» сәсся тай садьтөгыс котөртіс кытчөкө водзө...

Бузгөны сёнъясөд өдөбөн, пьсьтөма-сь шорьяс...  
Гөгөр дзик ловзьөма, нюмъялө-сьылө.

1921

## Поводдя вежсигөн

Төла... Кымөрьяс енажті төвзёны-мунёны өдйө. Сувтовкост мыччысьлө лөзалан пьдөстөм енаж. Шондіыс өдйөджык удитлас видзөдлыны, зарниа югөрнас өвтыштас мусө. Регыд кежлө. Кымөр пласт бара нин шондіөс. вевттьө. Тэрыба котөртас кок увті кымөрлөн вуджөр, водзиджык видз вьвті паськыд гын тубрас моз быгыльтчас өдйө, асыввыв яг нёрыс паньд тьвгысяс-каяс... Шочаммө кымөрьяс. Өдйө зэв швучкө, енажті мунө, гөнечөн суөдө мукөдсө медбөрья кымөртор... Мунісны кымөрьяс. Весасис енажыс. Сэзь лои, лөз. Өтнасөн сөмын дзирдалан коли сэтөні шонді.

1920

## Во гөгөр кытшовтөм

(Пөтка сьылөм шыөн)

«Пинь-пинь... пинь-пинь!..» — кытөнкө коз йылын кылө тшетшкөдчө-пиньясьө көдзыдкөд пинькай, коль гылөдігтырйи. Сэзь, лөнь. Шонді югыда нин мыччасьө, сөмын оз на ньөти шонты.

«Кра-ав!.. Кра-ав!..» — асывьясын рака горзөм шыө дольда садьман. Улялө: лым топалө, туйыс сьөдөдө, вoitва вевт вылысь төпкө.

«Туррр... куррр...» — шонді петан вежөсын ылісянь кылө тарьяслөн койтөм... Асывьясын мозья чарөма.

«Чи-чи, чи, чи... — чи-чи-чи-и-и...» — матіник пуясын кылөны медводдза локтысь сьылысь кайяс. Зэв сэтшөм небыда, нора, жугыльпырысь сьылөны кыдз-

кө, быттьо шогсьоны: гөгөр на пö лым да... Лунсянь шоньд төв пушкө, лымсö някалө-сөйө. Ылө тыдалө, — сьнөдыс лөз!

«Чик-чилик... чик-чилик!..» — сырчик воöма. Пукалө йи вылын, муркөдө тушанас — чегъялө йи. Ва воссьө. Дзодзөгъяс енэжын горзöны: «Гок-гок... гог-гог!..» Быдсяма пöткаыс саридзысь локтö. Вузгöны шоръяс. Видзьяс гөгөр ойдöмаөсь.

«Кук-ку-у-у!.. Кук-ку-у-у!..» — рытъясын ольясысь<sup>1</sup> көклөн нораа горзöмыс кылө. Кыв бөрсьыс вöтлысьöны-нерöны нывпосни сийöс да нюркйöдлöны-юасьöны: «Кökö-ö-ö — чо-йö!.. Кö-кö — чо-йö!.. Узь да вöтась да — кы-мын во нин ме ве-рöс са-йö ог мун?» Ва усьöма нин кырйысь. Гөгөр няйт. Ваямас вылын вежөдö турун. Вадор баддын оз лөнълы кайяслөн дзользьöм.

«Подь-пöлудь! Подь-пöлудь!..» — дугдывтөг шпаткө войясын квайтпалич-пöтка; ылыстчылас, матыстмылас шыыс, он и төд кодарын кылө. Войяс югыдöсь, шоньдöсь. Быдтор быдмө-дзоридзалө.

«Пийö-пийö, пипу-пи-и-и!..» — видз вылын дзользьö ёднур. Шондi сотö, пöсь, быттьо пач вомысь öвтö. Ытшкөм турун нюкыртчö, косьмö.

«И-ис... и-ис — и-и-ис...» — йöжгылясьö-кынмö нин ва дорын истан. (Зэв öд сийö ляб ачыс кылө.) Асывь-ясын ыркнитлө, ваысь ру кыштö.

«Джив-джив... джив-джив-джив!..» — Ок, джиянъяс нин кыпöдчöмаөсь: чукөрөн-чукөрөн лэбалöны, быдлаö пуксьöны... Сөмайбырöй тэ, гожкөмöй, кольны тай, тыдалө, кутин!

«Тпру-ру, тпру-ту — тi-i-i-иннь!..» — öти вөр динсянь мөдö лэбалö-суналö кыр. Коръяс пуяслөн вижөдöны, ньöжйöник гылалöны — киссьöны. Вöрын йөлöга граммö.

«Клууж-куллук!.. Клууж-куллук!..» — мөдöмаөсь эзысь юсьяс саридзö! Гезьясьöмөн, звöйкйөн лэбöны. Лольштитс войсянь. Наридз<sup>2</sup> петö. Туйяс чораса. Чöлалө медводдза лым: ньöжйöник, ньöжйö зэв усьö, быттьо артасьö: усьны-ö не на пö няйт му вылас?

«Кытш-кытш... кытш-кытш!..» — потшöсысь по-

<sup>1</sup> *Оль* — увтасьясын, нюраинъясын вөр.

<sup>2</sup> *Наридз* — сөнiк.

тшöсö, маегысь маегö шывъялö-лэбалö катша. Кымөръяс öшйöмаöсь. Гөгөр нин еджыд.

«Трк-п-прк-ч-ччк!..» — пуысь пуö, мырйысь мырйö тэрыба лэбалö-жбыръялö сизь; зiля котшкöдчö-дорччö: «тук-тук! тук-тук-тук!»

Жжньнь... жжньнь... жжньнь... — йöжгылясьö-кынмö пу йылын жонь. Кöдзыд. Гөгөр лөнь — шы ни ру. Кулöма ывлаыс.

1919

## Кер пöрöдöм

Волинныд-ö коркö тi кузь пожöма ягö? Аддзывлiнныд-ö, кыдзи кер пöрöдöны, кыдзи ыджыд пу пöрö? Тöдлинныд-ö тi сийö гажсö?.. — Ок!

Асылын чеччан зэв водз, асья кодзулыскöд кышöдчан тшöтш. Кöмасян, пасьтасян, нурйыштчан-сёян. Сэсся доддясян да рöдйөн мöдöдчан ягö. Пемыд. Муртса кодзувьясьянь сöмын югöртор усыштö. Шоньд керкаысь петöм мысти унзиль. Сиктысь эрд вылö петан да вöлисти палялан. Кöдзыдыс öвтыштас чужöмад, лэчыд төв ородö ныр-вомтö. Сайöдчан, бергöдчан төвбөр, ёнджыка йöжгыльтчан парка пиö. Он вөрзёдчы, пукалан вугралiгтырйи. Сöмын вöлыд вылö корсюрö горöдыштлан.

Вөр туйö пыран. Пемыд на, дзурк, — нинöм оз тыдав. Туй пöлөн вөр пуыс сулалö тшем! Нинöм оз тöдчы: пожöм-ö, коз. Пуяс быттьökö вугралöны-узьöны: оз вөрзыныны увйөн ни лыскөн. Лөнь. Кулöма, унмовсьöма ставыс кыз, сьökыд унмөн. Увьяс вылö кыза öшйöма тукта. Тубралöма, тöбöма лым тöбöдөн лапъя козьясöс йывсяныыс да подулöдзныс. Оз шыödчы, оз вөрзёдчы — сулалö-вугралö вөр.

Водзö мунан. Коркö дыр мысти лöz тöдчыны кутас, югдыны вөрзяс. Пуяс кутасны янсавны мöда-мöдсьыныс. Йирмөг лэö доддын пукавны. Чеччан, котёртан додь бөрся — шоньд перьян. Тшупöда туйöd усян да чеччан öтторъя. Мудзан да бөр доддьö сöлан.

Бур вöрыд дыр оз ов. Пес керас нин со кэли. Чипасьяс сэн сиктөн-сиктөн сулалöны. Кузя на сы бёрти

восьласён мунап. Коркё сэсса и воны кутас пожом  
вёра яг. Сярвидзёны-сулалёны пуяс, быттьо зэв тшо-  
кыда сюръяе сутшкалёма — увъясыс пуяслён зэв  
вылөдз абуось.

Югдö. Лөз төдчö ягын. Сулалё-вугралö вөр. Оз шы-  
өдчы, оз вөрзы — чөв. Нэмөвöйся сывтыръя пожомъ-  
яс, быттьокö дзор багатыръяс, кыз броня кышаөсь,  
орччөн-орччөн сувтөмаөсь, сынисады узыёны. Кымын  
төв и гожөм нин найö нэмъясын вөліс! Кымынысь  
нин кымывліс-унмовсыліс төв кежлө вөр, садьмыв-  
ліс-шувгывліс тулысын! Сулалё-узыё, виччысьö тулыс  
на бара. Оз и төд сійö, мый нэм помыс нин воөма,  
узигкостіныс олөмныс пуяслён эштас... Локтісны йёз,  
Вөлаяс, подаяс... Шызис сынөдыс ягын. Чер шыяс  
калскёны, пилаяс няжгёны... Лөзгёны-пөрёны пуяс...  
өти, мөд... уна нин водіс... Оз нин аддзывны пожомъ-  
яс тавося тулыс. Мед нө. Найö мортлы бур вылө му-  
нөны!

Воан. Вөвтö кежөдан туй бокö. Ачыд лямпаасян да  
мөдөдчан видласыны, бурджык вөр корсыны. Ветлөд-  
лан пуысь пуö, шывкъялан лямпаөн. Видзөдан — ты-  
далö мичакодъ пу: веськыд, шыльыд. Матыстчан, лө-  
сыштан кырсьсö судзмөнвыяысь. Сэсса клёнөбтан-  
вартан чер тышнад, төдмалан — абу-ö тшака. Ёнтас  
кө чер пуыд китö, сійö бур, да и шыыс висьталас.  
Сывйыштан пу дінсö, төдмалан кызтасö. Видзөдлан  
пучер пөлөн вывлань, кутшөмджык веськыдсьыс.  
Шөгмө. Сэсса пу гөгөрыс лымсö талаялан-юждан, мед  
зумыдджык кок улад керасыны. Водзын тшупан öтар  
боксö, кодарö колö пөрөдны. Сизьдан-кералан кын  
путö. Чаг пельөм сідзи и сявкйö гөгөрыд. Кынмөмыд  
бырö: суликөдз пөсялан. Шыблалан кепысьтö, шапка-  
тö. Сідзи öтарсянь кералан путö сьөмөс шөрөдзыс,  
сэсса мөдарсяныыс, муртса вылітіджык. Сир дукөн  
өвтыштас нырад. Коркё сэсса и орны кутас пуыд, —  
воча вөзьөм<sup>1</sup> матысмыны.

...Ратшкыяс өтчыд, дай мөдысь. Шковкылö-чегö  
орөдтөм сьөмөслөн сөныс. Сыркмуно став тушанас  
пуыд вуж бердсяныыс да туганөдзыс. Мөдөдчас ньөж-  
йөнникөн нёрны. Сэсса вочасөн өддзас да өддзас... Зэв  
ыджыд шытөлөн, шувгигтыр, вөр пуяс пөветті, лозгы-

<sup>1</sup> Вөзьөм — черөн накөсö кералөминыс.

сяс-пөрө. Пөригмозыс тырысь пуяслысь увъяссө подулдзыс сяркөдас-увъяс, посниджык пуясөс ас улас кажйөдлас-четъялас... Сэссия тай кыз пурскыяс лым пиө, жмуткыяс-усьө. Тшын-бус кыпөдас гөгөрыс,— син ни пель — пурга дырйи моз. Кос увъяс зэв вылө качасны; ылө шыблалас резувъяс, лысьяс. Ачыс зэв пыдө лым пиас зутшкыяс, бердө. Шеввидзан кольө лым пиын, сөмын увъя туганыс тыдалө. Лым бус дыр на оз пуксы, сулалө весьтас. Бөрвывтйыс йөлөга чард гым моз — шкув-шков — разалө вөр пасьта (ас йыв-сьыс юөртоп сетас). Төвруөн өвтыштөмысь пуяс дыр довкъяласны-копрасясны. (Кодсюрө нора дзуртышталас.) Ыджыд шемөс гөгөрыс лолө.

Керыштан сыв кузя шадз. Пучер вывтйыс мунан мурталігтырйи. Пасьян да орөдан йывсө. Кыз зорйөн бертыштан отарө кертө. Пуктан доддьө. Öдөбтөмөн сьөкыда петкөдас вөлыд толанысь туй вылө. Лолыштан. Көртавлан бурджыка гезйөн. Сөлан кер вылө да мөдөдчан вөр туй кузя. Пукалан бур сьөлөмөн кер вылын, шойччан. Сынөдсянь усыштө пакта. Додь улын дзурыд. Гораа брунөдчө, троньөдчө кер. Кывзыны кутан да, дзик быттө сьылө: кодыркө зэв вылө лэптылас тонсө, кодыркө лэдзлас медулі октава басөдзыс — ммррр. Бувгө, муракылө, зэв сэтшөм улиса-небыда... Мукөд дырйи зэв вылө—тронькылө, катөдлас тенор... Сэтшөм лөсьыда, нораа быд ворсанногыс кер пытшкын кылө, быттө сигудөк дзуртыштө-ворсө... Пукалан кер вылын да кывзан вугралігтырйи сылысь музыка шысө.

1921

## Кер кылөдөм

Кузь төвбыд пөрөдасны сортовка вөр да кыскаласны юяс дорө... Ок, сьөкыд удж кер дорын уджалөм! Пуыд кын, биа из кодь чорыд; сизьдан, сизьдан-кералан чер дорыд жугласьмөн... Лымйыд джуджыд!— «Пуурс...» — вөян вөвнад и додьнад морт судта лымьяд... Абу кокныд и кылөдігад. Унаысь ва пиад тюль-

скысыны-вөйлыны сюрлө кер йоткигөн тулысын, ю йылысь коллялигөн. Вөр юяс посныдось, чукыльось-коджось, лоптаось, изьяось, визувось... Сьокыдсө тодлан, но тшөтш жө и гажьяссө аддзылан, көні уджыс сьолөмысь артельөн мунө, көні өта-мөд вылө видзөдө-мөн сьолөмыд босьтчө, кыпыда олө.

...Шкоргө-бузгө, изйысь изйө чеччалө косьтьяс вывті Эжва. Быгзьө-шузьө тагья ырөш моз ваыс. Мельнича пруд ва моз бузгө, оз лөньлы... Керьяс ю тырнас кывтөны, клөнөдчигтыр: тювгысьөны, тасасьлөны вомөнөн, сувтлөны сувтса, чегьясьөны, зырсьөны — берегас кайөны.

Дөлөдө-нуө кык-куим керья йитыштөм пурьясөс водзвылас... Кузь зібьяс, багырьяс тэрыба вөрөны киясын. Эн вуграв! Видзөд тэ водзвылад, видзөд тэ бөрвылад, кок улад, бокад... юр вылад, абу-ө нөра пу ва весьтас нөрөма, сійө и виччысь — шапкатө юрсьыд нөбалас-нуас.

Тырлас дзикөдз вөр юыд керьяснас: кывтыдджык косьмылас дзикөдз, сялыгыны кутас ичөтик шор моз. Сувтас став керйыс, оз мун. Мездөмыд кер йөткысьяс-лөн, зорьясьөмыд ва пиад сэк!.. Сэсся тай коркө чукөрмас ваыд да — ы-ы-з-з... — письтө, йөткыштас пормнас ставнас. Керьяс ызөбтасны чукөрөн тойласигтырйи, клун-клон гольөдчигтырйи... Бөрсянныс бара жө зорьяось, багыраось, локтөны подөн кер йөткысьяс: тойлалөны дорсьыс жуйгөдчөм керьяссө, туплялөны берегысь косө кольөмьяссө. Дорьясын нильөг, няйт... вильскөбтан кер бөрсяыс ваөдз... Мукөдлатыс лытм сөнүкөд собны коскөдзыд лөб, ёльяс да шорьяс вомөн өтторья вуджавны лөб...

Збойджыка водзөсө мөдөдчө Эжва. Шорьяс да ёльяс вочасөн пыр содтыштөны сылы васө. Керьясыд мян прөстджыка кутисны кывтны. Позьө и мянлы лөлыштны тшөтш. Пуксьыштлыны регыдик кежлө. Косіныс өнөдзсө мян сөмын муртса кок пыдөс улын вөлі — кык орчча кер. Позьө өні ещө кер-мөд өтлаавны сы бердө, пуксьыны да ас гөгөр видзөдлыштны...

Со кутшөм ва дорыс ю пөлөн гажа! (Ылөсө эськө оз и уна тыдав да, сән на мянлы видзөдмөн эм.) Ичөтик ютө кыкнанладорсянныс дзескөдөмаось зөм слудаяс, оз лэдзны ылысьсө аддзыны. Джуджыд сёр-

тас пьдөстї лөө котөртны-визувтны Эжвалы, ёна мыр-  
сыны-песласыны ваыслы.

Пурнымөс миянлысь сувтлытөг дөлөдө-нуө, ва дор-  
ыс син водзад вежласьö өдйö. Кывтан-кывтан да, му-  
көд дырйи водзвывсьыд друг ю визыс вошö: ю сёр-  
тасыс зутшасьö паныда зөм слудаö, люкыштны көсйö.  
Эн пов,— ваыд өд пьськөс! Зөмысь бергөдчö Эжва,  
шыбитчö мөдарö, веськыд пельсөн чегö, чань мөз  
гөнитö садьтөгыс скач... Пикö волö; кытчö и воштысь-  
ны: пьсьсö, бызгö-пөсялö косьт вывтї гөнитиг... Чаг-  
торйөсмоз нуас, шердйыштас пурьясөс, он удит лал-  
нитны синтö. Косьт бөрвылö коли, лэчкысь мөз мынї  
Эжва. Рөдйөн, вöляысь, котөртö водзö веськыдджык  
нырөн. Вомын. Бара жö кык слуда кост, туннель кодь  
векныдик, қузь...

Вөр пуыс васяньыс слуда йылөдзыс кышөдчö тшем.  
Улынджык — коз пуяс, ньöv йыла ньывьяс, лайков-  
ын — еджыдөсь кызьяс; вылынджык — пожөмьяс  
сисьяс мөз сярвидзöны; юрйылас — нияяс ёнөсь, шев-  
гөдөм сыв бордья сулалöны.

Сәні выліас төла, шувгө вөрыс, кылö. Тані улиас  
лөнъ, юрси оз вөрзы. Сәні — югыд, шондіа. Тані рө-  
мыд, унджыкысьсö шондйыс оз инмывлы, оз кө нин  
веськав ю кузьмөсногыс. Кытсюрö буждыштöма слуда  
бокшайс,— из плещö мыччöма еджыдөс, вевсьөн-вев-  
сьөн изьясөб быттö морт киён лөсыда тэчöма...

Паныдасьласны миянлы пыжаяс, ва паныд қатö-  
ны сувтсөн зібьясьöны, көрт пома пельсөн зяткöны  
изья ю пьдөссö...

Воласны ю пөлөн посныдик вөралан-кыйсян кер-  
каяс, кок йылын жытникьяс, тшамьяяс,— джуджыд  
нияяс улын сулалöны быттö шег дозьяс. Дженьыдик  
тивьяс да көвтымьяс ва дорын өшала йылын; векны-  
дик, сир кодь ёсь ныра пыжьяс кымыньөн куйлöны  
сән жö; гымтаяс, ез радзьяс, азыласьяс, пельсыяс,  
зібьяс — керка гөгөрыс сувтөдлöма тыр. Көнсюрö зор-  
рөдьяс да кер лэдзан додьяс...

Төдчö, кутшөм уджьяс тані мунöны, вөчöны йö-  
зыс: вөралөм-кыйсьöмыс, черисö кыйöмыс, керсö лэ-  
дзöмыс, турунсö пунктöмыс... Ставсö колö уджавны-  
керны. Сөмын муяс оз на тыдавны некөн, нянь уджа-  
лөм оз на төдчы. Кытсюрö сөмын югөртөр усьыштö

пуяс костті — слудаяс йылын коркө тылаһн вөдит-  
лөм эрдторъяс...

Водзө жө кывтламөй. Эжва ю вочасөн содтысьö и  
содтысьö, öтарö паськалө-ыдждө. Локтöны Эжвалы  
отсөгъяс, сэтшөм ичөтик вөр юяс: öти, мөд... Кык-  
куимнад тай көть коді да пырджык жө ёнөсь, унанад  
кө, мый нин и шуан. Йитчöны öтвылысь визувтны  
юяс, йитчöны и керъясыд миян öтлаө. Ылыстчöны  
слудаяс ю дорысь. Эжва уйт паськалө и паськалө во-  
часөн. Топыдджыка керъясöй йитчöй, медым онö ра-  
залöй полөйясö да куръяясö, онö колялөй лөнътасъя-  
сö да туйсьыныд вошöй!

Коркө сөсся лөнътасын öтвийö воисны керъяс:  
йитчалісны плитаө-плитаө; плитаяс бара жө аскоддем  
плитаяскөд ромшитчисны-көртасисны. Көрталісны ки-  
коксö керъяслысь, лоины рамөсь.

Паськыд ва вылө петісны. Эновтісны вадор дор  
мортъяс,— чеччышталісны-сөлісны пур вылө. Вөсны-  
дик зібъяс гольгысисны, лигыш усины пур вылө —  
эбөстөм лоины, куйлөны. Найөс вежисны,— тасасис-  
ны-бордъясисны öтмөдар боксяныс пуръяс гырысь  
бордъясөн. «Б-б-у-у-рс... б-б-у-у-рс...» — буткөны-шөна-  
сьöны, сьöкыда сынöны паськыд лопта, кузь иддза  
пелысьяс-гребъяс... Шлывгöны-кывтöны звөйкйөн ю  
кузя пуръяс тыдаланвийын öта-мөдсяныс. Тшыналö-  
ны бипуръяс чом дорын, пур вылын.

1921

## Трипан Вась

Сійö воö тулысыс водз локтіс войвылө... Водз и  
муніс туруныс-няныс, быттьökө төдіс ывлаыс йөзыс-  
лысь тшыг пыкөмсö,— тэрмасис рөгыдджык отсышт-  
ны...

Гөжөм нин пуксис. Матыстчө ытшкандыр...

Трипан Вась ыб вылө кайліс, кытшовтіс, видлаліс  
көдза муяс.

«СССС-ССС... ССС-СССС...» — кышөдчө, шы сетö ыб  
вылын шөп, мортлы надея овны пыр водзö на көсйö.

Копрасьё сю, вашкөдчө ид — көсийөдө йөвваа, азьваа шьд... (Кузь ускөй, идйөй! Ёна жө пөръясьлан тэ: кодыркө — весьт кузя, кодыркө усьөмыд — тушатө он вермы кутны; во кост мысти кынман — он удит воны... Во — не то тэныд! Куйөдсө сюян тэд, трундаөн суктан, быдторсө му пытшкад крестьянин кундас,— мусө көть асьсө нин сорөмөн сөй!.. Дрөчка тэ, сэсса со нинөм. Орччөн со тонө сулалө сю, выныс сьлөн весиг джын мында абу, но быдмө тай, нинөм оз шу...)

Тадзикөн кьлөмөн-думъясөн Трипан Вась кьтш-лаліс, видлаліс идъяс да сюяс, көсийысис аслыс водзө на сю көдза вөчыштны...

\* \* \*

Водз катіс Трипан Вась ю йьлө пуктысьны, некөн на некод оз вөлі куран-косаөн вөрөшитчы. «Катла, гортын пуктысьны заводиттөдз көть додь-мөд турун вөчышта»,— шуө Вась гортсаясыслы. Аслас юрас мөд-тор тшөтш вөлі: Вась төлысь-мөд нин видзө гортса-сьыс гусьөн пудджын мында сю көйдыс — сійөс вөлі колө сылы кьтчөкө инавны. (Тылаяс вылө көдзны йөзыслөн сю көйдысьяс эз вөвны, да и лөсьөдтөм вөлі көдзаніныс. Ыб вылө көдзны вөлі быдөн надейтчөны выль воан нянь вылө. Көдлөнкө көть вөлі и тор-йөдлөма да кольлөма көйдыссө,— важөн нин быри, сөйисны.)

— Ті тані корөсьнытө вундыштанныд да, мый да,— ме сэк кості и вола,— шуө гөтырыслы Вась.

— Но да, катлы, эськө, верман кө да... Ме ог кут... Нинөм тай абу туй вылад пуктыныд-а... Мый нө босьтан сөйнытө? Нинөм өд абу пусяныд вылө, шьдөс ни пызь.

— Пусяныд ваас,— шуыштіс Вась.— Пукты, мый эм, абусө ог тшөкты. Ог төд али мый абусө?

Сөвтис гөтырыс пестерө кач папурки няньяс, пуктыштіс туисө йөв, сэсса и нинөм. Босьтіс Вась пөрт, лэчтан, коса да чер... Босьтіс ки йылас ещө ведра ьджда туис.

— Сы ьджда туиссө мый керны босьтан?— казяліс гөтырыс туистө да юаліс Васьлысь.

— Черитө нө пуктыштны? Тіянлы гөснеч вая,— правдайтчигмоз шуыштіс Вась.

Отчюдөн и лэччис ва дорёдз став кёлуйыс. Гольд-дис-лэдзис Вась вао пыж. Сөвтчис да мөдөдчис катны.

Шыг ни рач ю пөлөн — некод некөн оз вуджрась, вөвдөм<sup>1</sup> ни зорөд оз тыдав.

— Кытчө нин мөдөма Васьыс? Гашкө пуктысьны нин да? — юалис кыр йывсянь кодикө.

Васьлөн воча кыв водзвыв нин лөсьөдөма.

— Сидз... — нюжөдыштис Вась. — Сюмөд кульыш-тигмоз тай косья катлыны видз вылөдз, вола кё коркө местаөдзыс...

Чом кост-мөд сөмын удитис Вась катны, — шондi увтасмис. Лои узымөдчыны. Сувтис Н... керка дорө. Кайис кыр йылө. Медвойдөр биасис, номъясысь тшы-нас вөчис. Керыштис вожкаяс бадь пуысь. Зэвтис вон.

Гожөмын керкаө пыжөн ветлысь морт оз пыр, оз кё нин зэв ёна зэр, а узымөдчас ывла вылө, вонйө. Керкаын лудикъяс да номъяс оз лэдзлыны унмовсьны. Тöлын кё — мөд делө: көть бергөдчыныд некытчө ичөтик вөр керкаад, комын градуса көдзыдыд йөр-шитас морт кызь кымынөдз ветлысь-мунысьсө; лудик-сө и дзескыдсө терпитан сэк, медтыкө ки-кокыд шоньштлас... Гожөмнад жө и оландырыд, майбыр, морт-ыдлы, сәки и верстайт, удитөдчы олыштны, ывлавыв сөстөм сынөднас лолыштны.

Пукалө тшынас дорын Вась, ужнайтө — кач сөчөн няклялө, бергөдлө чужөмсө номъясысь тшын паныд. Ном курччалөмысь Вась оз дөзмы, төдө: номтөгид, шоньдтөгид нинөм оз артмы. «Лөддза-номъя во — бур во», примета сылөн. Бара жө көклөн көкөмыс: дыр кё көкө — бур во водзө, гожөм лоө кузь. А кузь-джык кё гожөм — няныд удитас воны. Сидзи пукалис, мөвпалис Вась номъяс сильгөм зыкө да көкъяс көкөм шыө... Сөйсис, бисө сайкис да ышкиг-пушкигтырйи пырис вонйө. Но дыр на эз унмовсь, мөвпалис аслыс.

Вась вөлі олана морт на, но сьөкыда олөмыс водз пöрысьмөдис кызкө, жебмыны кутис бөръя вояссө. «Кытчөкө тай эбөсыд быри: тайө туй косттө эськө тай водзын вөлі өти лунөн катла, а өни куим лунтөг от во», — мөвпыштис аслыс. Вась — морт вөлі зиль, но озырлун эз көвьяслы, оліс гөлиника. Удж вылын йө-зысь эз кольччыв. Нэм чөжыс уджалис-керис, шойч-

<sup>1</sup> Вөвдөм — ытшкөм, но курттөм на видз.

чөг эз төдлы: му кокис, видз вөчис, кыйсис, кер лә-  
дзис...

Васълөн семьяыс вөлі кык пи да куим ныв. Кык  
гырысь нывъясыс важөн нин верөс сайынось, коймө-  
дыс, дас вит арөса, гортас. Ыджыдджык пиыс Крас-  
ной Армияын ветлө, ичөтджыкыс, дас сизим арөса,  
колян төв Печораө сюри пленө еджыдъяслы, кол-  
лысыны ветліс да, вөвнас и аснас... Оні Вась лои  
уджалысьтөм и вөвтөм...

Челядьсө Вась быдтіс рама, эз чиршөдлы торъя.  
«Мед пө ветласны эштигөн, томдырйиыд пө и ов морт-  
ыд». Сөмын дышөдчөмтө удж вылад оз вөлі радейт:  
«керөма кө, мед вөлі вөчөма бура, а не кийывсөн»,—  
вөлі сылөн став видчөмыс. Выхь олөм йылысь му-  
жикъяс вөлі сөрнивыв воасны да сөмын шуыштас:  
«Гашкө, тадзи и колө да... Том йөз тон лөсьөдасны,  
кызд аслыныс колө»... Пиянсө Вась эз пык выль олө-  
мө босьтчөмысь, эз зільыв важө кыскыны мукөд  
батыяс моз. Да и ачыс эз зільыв важ дор сулавны,  
нинөмөн асьсө эз петкөдлы ни ен водзын, ни царь во-  
дзын. Код төдас, енсө веритө али оз вөлі Вась, сөмын  
чорыда вөлі веритө аслас енлы: «уджавтөгыд кынө-  
мыд оз пөт»... Сэтшөм вөлі Вась.

Кык лун тырмис Васьлы катны. Коймөд лунас сө-  
мын воис аслас видз вылө. Пыр на важ кодъыс, ни-  
нөм абу вежсьөма. Сөмын кык сывтыръя коз пу ва  
бердсьыс тулыснас ыджыд ва дырйи пөрөма ваас.  
Тасасьөма ю вомөныс. Бузгө сы вомөн прудйысь моз  
ваыс. Джуджыда кодйөма увтыс. «Бур гоблик комъ-  
яслы сулавны вөчөма»,— мөвпыштіс Вась. Сувтіс.  
Ректысис. Кайис кыр йылө. Лэчтасис да кутіс ытш-  
кыны, вөвдөм вөчны. Гож сайсьыд туруныд дыр оз  
косьмы, лоө лун-мөдөдз куйлөдны.

Гашкө, тэ, лыддысьысьсөй, он на төд, кутшөмджык  
ю йылын пуктысьсөмыс, кутшөмджык видзьясыс? Абу  
паськыдөсь видзьяс. Весиг видзнас оз позь шуны, а  
«керасьяс» (сідзи и шуоны асьныс). Көнікө — юр ту-  
рун, көнікө — кык, а додь-мөда зорөдыд зэв нин шоч.  
Бур турунысла да донтөм вайөмысла и вөдитышталө-  
ны. Пурийөн вайигөн турун и пес тшөтш өтпырйөн воө.

Пажынөдз ытшкис Вась, вөвдөмтор лои. Рытла-  
дор видз весьтсьыс вуграсьыштіс,— пусян лои. Уж-  
найтө Вась, панялө чери ва, кач нянь кылөдө.

«Ок, эськө, татчө кö пань тыр шыдöс да сов чепöль!— шога мөвпыштис Вась да видзöдлис кöйдыс туйс вылас.— Ог,— шуис аслыс.— Кöйдыс ог вөрзбöд...»

Туиссö водзас босьтис да видлалис дыр, чуньяс костöдыс лэдзис сюсö. Зарнийон киссис-гузыгысис сю чунь костьясöдыс туйсö бөр... Вевталис туиссö топыда, пуктис воньяс юр улас.

Мöд лунас кайис Вась видласьны, кöдзаин корсьны. Дась сотчöмин колö вöли сылы, «кос вөр» вöчыштны. Воис Вась важ тыла эрд вылö. Ылö тыдалö гөгөр. Сувтис да дыр арталис думсьыс. «Вот, эськө, тайöс кö öни гöран да öти во паритан,— бура жö сю ваяс!.. Но кысь бара татчө гөрьясөн локны, вывти ылын гортсянь да...» Сидз мөвпалигтыр мунис водзö. Верст мында мунис да сотчöмин воис. Выльöн на сотчöма — вожон кык сайын кымын. Ниа подвыв вöлöма посныдик коз сора, подулыс кыз нитшка. Көркө татысь ниа сортовка лэдзлöмаöсь — кык сывтырья кыз мырьяс сулалöны гөгөр. Подулас уна шактарыс вöлöма да бура и сотöма. Вась кытшовтис сотчöмсö, видлалис, кöни кызджык пöимыс. Ветлöдлö, кок шегйöдзис вöйласьö пöимö. Бур. Сувтис. Гөгөртис-артыштис синнас. «Ок, эськө, кöйдысыд кö унджык эм татчө — няньсöдас жö крестьянинтö!— ышловзис Вась.— Да, дзoля менам разалö öти туйс тыр сюид», — шуыштис бөрвылас.

Заводитис ректысьны, пу йывьяс чукöртны; кодсюрö пуяссö шондi водзысь пöрлöдлö да увьяссö мырбердö көстьöритö. Пöсь, öвада, буса... Но Вась быттö нинöм оз кыв. Уджалö, аслас чужöмбан кузяыс пöсьыс няйт шорөн визувтö, войталö-киськалö вочасөн мусö. Шойччыштас да бара. Быд копыртчöмысь син водзыс вижөн, кодзулөн ветлö, юрыс бергöдчö. Нинöм,— оз усь!.. Сёрөн нин лэччис видз вылас, чом дорас.

Аскинас лысва вылас первой ытшкыштис, да бара кайис ректысьны. Пажынöдз кымын уджалис.

«Сэсса, тыдалö, ог вермы... Да и тырмас менам кöйдыслы», — шуö Вась аслыс. Тшöкыд увья понöльöн гудралис пöимсö, сорлалис муыскöд. Кöдзöм мыстыыс бара агсалас, сайöдас кöйдыссö.

Кöдзö. Шочиника коялö, чунь костöдыс лэдзö, медым оз чукөрöсь ло, öти тусь бокö оз койышт. Вомулас аслыс кöдзигмоз кевмысис-шöпкис: «Чужты да

быдты, му-мамой!.. Югыд шондйй, шонты да видз!..»

Рыт. Лэччис нин шонді. Кыза лысваалис. Көкъяс өддзисны — горшныс веськалі лунся жарысь, чукса-сьоны көкиньяс көк айяскөд, йөлөга бөрсяныс вөт-лысьө-лөвтө. Көнкө турун пөвстас матын, кылө, чөж-пөтка котсө, чуксалө пиянсө (сьөртись-дзедасись пет-көдө ю вылө уявны велөдны...). Бадь кустын колишкай сьылө, шудысла сьөлөмысь сьылө... Вась пукалө. Шойччө. Ена и мудзөма талун. Но сьөлөм вылас до-лыд. Керөма лои сьлөн могыс, эштөдөма көсийөмтор-йис — көйдыс иналөма, дзедөма бурино...

Прөстө овны Вась оз вермы, пыр мыйкө мөжгө-вө-чө, гортас көть көні. Со и өні, шойччитмоз, куснялө сямөд: вөчалө туйсьяс, чуманьяс — чача кодь мича-сь — эзысь кышөда, зарни пытшкөса дозмукьяс. Туислысь бурлунсө коми морт төдө: «туисыд быдлаө туйө,— сийө шуө,— гортын көть туйын сыысь бур доз-мук оз сюр». Көть мый пуктыны сийө: оз сисьмы, оз сім; нэм помыс абу.

Дыр эз узьсы сийө рытө Васьлөн. Куйлө воньяс, мөвпалө аслыс, быдлаті кытшовтіс думыс. Пияныс дум вылас усины. «Көн бара ветлөны сьөлөмшөр пия-ной-а? Ловьясь абу нин? Воласны оз коркө?..» Сьө-лөмыс висьө, на понда төждысьө, пыр на уджалө-ке-рө — мед налы көкньюдджык лои водзө овмөдчыны. Со и өні на йылысь думөн көдзатор вөчыштис: «Лок-тасны да өд ковмас и сөйны мыйкө налы».

Вой. Дугдिसны дзользьөмысь лэбачьяс. Унмовсис көк. Быдөн ланьтисны. Лөнь. Сөмын көнкө вылын, ягас дыр на кыліс, юргис-сьыліс вой олысь вөркай да эз лөнылы, сялыгис косьт вьвті ва... Шонді петан ве-жөсас сөмын коркө ойбыртыштліс-унмовсьліс Вась.

Кык лун на ещө сы бөрын оліс Вась видз вылас: курталіс ытшкышталөмсө да чукөргіс мөздорнас пос-ныдик пасынөк-зорөдө, кайліс туйс кыш перйыны кыддза раскө, кулис сьөртсьыс кач да куим нөбовтас лэччөдіс пыжас...

Медбөрын сөсся дзикөдз эбөссьыс уси, эз кут вер-мыны. Измис гырк пытшкөсыс, пуксьыны ни водны оз вермы, кокъясыс пыктисны, краж кодь лоины.

«Мый керан, лоө, тыдалө, кывтны», — шуис Вась да кутіс сөвтчыны. Пыж тырыс лои көлуй: кач, сямөд, вила пуяс гоз-мөд; черыис сөмын этша лои, пу-

мөн мында кымын, кыйсынысө эз на эштыв. «Но да өд оз, гашкө, видчы гөтырөй, прөститас, висьтала көдзөмөс да...» — сідз мөвпаліс Вась сөвтчитмозыс. Пуксис пыж бөжө да лэччысис кыр бердысь. Сынны Вась эз вермы, сөмын пелыссө ваас лэдзис да веськөдлөм могысь легөдіс. «Ваыс тон кылөдас», — шуыштіс. Пыжсяныыс ещө на чөвтліс синсө аслас видз вылө, быттьө прөщайтчис думсьыс аслас киподтуй уджыскөд...

Эжва ю визув — кылөдө өдйө. Воис эськө Вась гортөдзыс, төрытсяныыс кө петіс. Да эз сідз ло. Джын туйсө сөмын удитіс кывтны. Чорыда топөдіс Васьөс висьөм. Пыжын некытчө нюжөдчыштны. «Сувтла да туплясьышта му вылас, гашкө, личөдыштас...» — мөвпалө. Сатшкис пыж нырсө берөгө. Бауөнсорөн кыссис Вась коз улө, эз вермы весиг пыжсө вылөджык кыскыштны, сөмын ньөр йылө домыштіс. Көсийс номъясысь тшынастор вөчыштны — эз жө вермы. Туплясьө-ымзө коз улын, ном курччалөм ни нинөм оз кыв. Сөмын юрас өтитор бергалө — гортө кызкө воөдчыны.

Эз во гортөдзыс Вась... Унмовсис, нэм кежлас унмовсис коз улө.

«Узь жө, удж бертысьөй! Мед шойччас тэнад мөдзөм ки-кокыд, уджалысь мортөй! Коз улын чужтыліс тэнө тыла ректігөн мамыд, коз улын жө и кувсин...»

Мөд лунас катысь пыжаяс (ас сиктса йөзыс) аддзисны — көлуй тыра пыж дом йылын довъялө... Морт некөн абу. Чукөстчисны, — некод эз шыась, сөмын асланыс йөлөганыс гажтөма лөвтыштіс. Гөгөрвоисны... Кайисны коз улө. Видзөдөны — морт кын, дундөма, лөз... Эз ков висьтавыны, мый понда кувсьөма Вась.

Коли гожөм и ар... Воліс сы бөрся войвылө кык вевся төв — тупкыліс енэжсьыс шондісө няйт дөра өшанөн, кынтыліс-шебрөдліс му эжсө горт выв еджыд дөраөн... Сир курыд шогъяс тшыг бөрын содтөд тшөтш мунісны йөз вывті: кыссьылісны-волісны пежъяс, еджыдъяс... Но воис тулыс — сылі лым, сылісны еджыдъяс. Мездмисны коми йөз, мездмис став Сөвет му. Тулыснас лун төвкөд локтісны саридзысь пөткаяс войвылө, воисны гортаныс и пьяныс Васьлөн.

Вөр шөрүн, эрдтор вылын, кузь съод мыръяс пөв-стті лөзөдө-кышөдчө кыз одъя, кузь идзаса сю... Шув-гөны лыска пуяс гөгөрыс: «Ш... ш... ш... ш...» Эрд дорын, вөр шувгөмсорыс, янсалыштө-кылыштө мөд пөлөс — вөсныдджык, меліджык шы: «С... с... с... с...» Тайө медбөръя киподтуй кольөмыс Васьлөн.

Копрасьөны весът кузя шепъяс, казытывлөны, ош-көны Васьлысь лөниник, аддзытөм, но төдчана олөм-сө, тыдавтөм, но колана уджсө.

1929

## Вартысь Ёгор

Көні бара тэ, Вартысь Ёгорөй, мортөй-а? Ловъя абу нин, шонъянөй? (Вуджөрыд тэнад тай син водзө сувтө!)

Коді эз төдлыв Ёгорөс! Быд лунся «гөсть» пароход вылын. Быд пароход вылын билеттөм, «бесплатнөй» пассажир. Эжва кузя: Кулөмдінсянь Сыктывкарөдз, Сыктывкарсянь Совдорөдз, Совдорсянь Кардорөдз, — өтарө-мөдарө, кымынысь бара тэ гежмавлін Эжва юсө? Ва вөсьөмсянь гөжөмбыд йи куттөдз ветлан — кывтан-катан, лун ни вой он төд, гөрт ни ин он ад-дзыв, позтөм көк моз... Йөй улө лэччысьөмыд, озыр йөзөс, купеч пиянөс тешитан, пиньнысө жөрийөдлан налысь, синва пырыд серам петкөдлан: вартан, йөк-тан, сылан, бөрдан, кевмысян — нянь кусөк коран...

Быдөн тешитчывлісны тэ вылын — төдтөмыс и төд-саыс, — тэ вылын, коньөр кодь морт вылын. Кымын йөг бара вөлі тэнад баялябөжад, кымын гадь коклябө-рад, гырддза помъясад? Кымын ведра синва бара тэ кисьтлің аслад нэмнад? (Курыд-ө, юмов-ө вөлі тэнад синваыд — сійөс некод эз төдлы, да и төдныс сійөс, тэнсьыд синвасө, некодлы могыс эз вөв.)

Коді эз төдлыв Ёгорөс! Серамыд и жалыыд тшөтш өтпырйө петас, кор видзөдлан сы вылө: кузь гыркъя-мыгөра, дженыыдик кер пом кодь кыз кокъяса, дзонь-нассө — муртса аршынысь джуджыдджык лөб морт... Ёсь пыдөса манак шапкаа, пөдрасник шоя, няйт сылі көртөда: руз киссьөм, сырилетки өшалө жебиник туша

вылас няйт паськөмыс. Көмтөм. Варчөм-потласьом  
кокъяса, некор косьмывтөм синва чужөмбана... Кор-  
кө бара тэ узыльвлін эн? Коркө тэ тыр пөт, нэмтө  
корлін да, вөвлін эн? Мыссьывлін эн тэ көть өтчыд,  
синванад кындзи? Коркө тэ көть өтчыд садьтөм код  
вөвлін эн? Туплясьлін кын палуба джоджын кок улын,  
кочегар пач вом дорын, трюм пыдөсын... Тэнө талав-  
лісны, чужьявлісны понйөс моз, тойлавлісны кытчө  
веськалө... Дона тэд сувтліс «билеттөг» ветлөмыд!

Кымын «вежай-вежань» бара тэнад вөлі? А вөлі эз  
өти көть, дзик өти морт тэныд, кысь нин эськө вежай-  
вежань пыддиыс да, прөстө морт пыдди кодікө? Коркө,  
өтчыд көть, йөз син водзын тэ муртса кежлө лолін эн  
мортнас, прамөй мортнас?

\* \* \*

Сэтшөм вөлі тэнад олөм-вылөмыд важөн, воддза  
олан кадъясө, шуштөм дыръясө. Сідз тэнө пыр сэтшөм  
чужөмбанөн аддзывлім-төдлім уна-уна во Октябрьскөй  
революцияөдз...

Медбөръясыс Ёгорөс аддзылі ме во нель-ө-вит са-  
йын. Аддзи, и эг төд Ёгорөс, «йөй» Ёгорөс, «вартысь»  
Ёгорөс. Сэтшөма вежсьөма, сэтшөма төдтөммөма мор-  
тыд. Палялөма, садьмөма, выльысь чужөма, Октябрь  
ваөн мыссьөма-пырччөма Ёгор. Абу нин важкодь  
няйт, абу нин киссьөм паськөма — руз, абу нин синва  
бана, оз нин горзы «вежань» да «вежай»,— шөвк кодь  
миян Ёгорыд: лым еджыд шабді дөрөм-гача, шыль-  
дөм юрсиа, мольөдөм тошъяса, сулалө кыр йылын,  
тошсө малалө — вөлисти асьсө чувствуйтө-кылө мор-  
төн, збыльысь гражданинөн, первойысь аслас нэмнас.  
Абу нин «йөй» Ёгор... Сідзи өд лыддьывлісны-төдліс-  
ны, сы туйө пуктывлісны, тэ вылө вылісянь зывөка  
видзөдлісны озыръяс, «сөстөмъяс». Оні сійө Егор Иг-  
натьевич Ракин, Пожөм сиктысь крестьянин... Вөлөма  
и Ёгорлөн аслас горт!.. А водзын некод эз төдлы, кы-  
тысь мый сійө эм, эз чайтлы некод, мый сылөн, тшөтш  
мортлөн моз жө, вермас лоны чужан му, горт, кок  
улас «пөтшва».

## ЮР ИНДАЛЫСЬ

|   |   |
|---|---|
| <p style="text-align: center;"><b>Кывбуръяс</b></p> <p>«Коді Гөрд му понда<br/>олö?» . . . . . 5</p> <p>Дорччысыяс . . . . . 5</p> <p>Ленин гу дорын . . . . . 6</p> <p>Му вежандыр . . . . . 8</p> <p>Поэзия артмөм . . . . . 11</p> <p>Менам кывъясöй . . . . . 11</p> <p>Ниа . . . . . 12</p> <p>Веж гажа лун . . . . . 13</p> <p>Рыт-асыв кылөм . . . . . 14</p> <p>Войвылө . . . . . 15</p> <p>Майбыр Май . . . . . 15</p> <p>Тувсов войясын . . . . . 16</p> <p>Тувсовъя . . . . . 17</p> <p>Пышкой . . . . . 17</p> <p>Гожся луно . . . . . 18</p> <p>Гожөм пом . . . . . 19</p> | <p style="text-align: center;"><b>✓ Аръявыв . . . . . 20</b></p> <p>Ар . . . . . 20</p> <p>Төвланьö . . . . . 21</p> <p>Ур кыйигөн . . . . . 22</p> <p>Югыд вой, көдзыд вой . . 23</p> <p>«Кисьтö кельыд югөр» . . 24</p> <p>Төвся турөб войö . . . . . 25</p> <p>Өввö . . . . . 25</p> <p>«Немас дөмас» . . . . . 27</p><br><p style="text-align: center;"><b>Висьтъяс</b></p> <p>Тулые воөм . . . . . 29</p> <p>Поводдя вежсигөн . . . . . 30</p> <p>Во гөгөр кытшовтөм . . . 30</p> <p>Кер пөрөдөм . . . . . 32</p> <p>Кер кылөдөм . . . . . 34</p> <p>Трипан Вась . . . . . 37</p> <p>Вартысь Ёгор . . . . . 44</p> |
|---|---|

ИБ 261

*Библиотека школьника*

**Вениамин Тимофеевич Чисталев**

**КРУГЛЫЙ ГОД**

*Стихи. Рассказы*

*На коми языке*

**Составитель С. С. Раевский**

Художник С. А. Холотов. Редактор В. А. Попов. Художественный редактор А. В. Мошев. Технический редактор А. Н. Вишнева. Корректор М. М. Дейнега.

---

Сдано в набор 27/IX-1977 г. Подписано к печати 11/XI 1977 г. Формат 84×108<sup>1/32</sup>. Бумага № 1. Усл. печ. л. 2,52. (Уч. изд. л. 2,14). Заказ № 5662. Тираж 3000 экз. Ц01555. Цена 8 коп. Коми книжное издательство. г. Сыктывкар, Дом печати.

---

г. Сыктывкар, Республиканская типография Управления по делам издательств, полиграфии и книжной торговли Совета Министров Коми АССР.

## Бөръя кадö

Коми книжнöй издательствоын петісны  
татшöм книгаяс

«Школьниклön библиотека» серияын:

1. **В. А. Савин** (Нёбдинса Виттор). *Эжва дорын*. Қывбуръяс. Висьтъяс. 88 лист бок.
2. **М. Н. Лебедев**. *Тулыв*. Қывбуръяс. Бас-  
няяс. 40 лист бок.

Қыкнан книгаö пыртöма коми сöветскöй  
литературалы подув пуктысьяслысь произ-  
ведениеяс, кодъясöс суйöма коми школалön  
учебнöй программаясö, а сідз жö гортын ас-  
шөр лыддьöм вылö.



8 кӧп.

КОМИ КНИЖНОЕ ИЗДАТЕЛЬСТВО 1978